

## EMBASSY OF THE UNITED STATES OF AMERICA

### PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



### সংবাদ বিজ্ঞপ্তি

## দুর্যোগ ব্যবস্থাপনায় স্থানীয় সরকারের ভূমিকার উপর রাষ্ট্রদূত মরিয়ার্টির গুরুত্বারোপ

ঢাকা, ১৩ই আগস্ট -- যুক্তরাষ্ট্রের রাষ্ট্রদূত জেমস এফ. মরিয়ার্টি এবং খাদ্য ও দুর্যোগ ব্যবস্থাপনা মন্ত্রী ড.

আব্দুর রাজজাক আজ “দুর্যোগ প্রস্তুতি ও প্রশমনে স্থানীয় সরকারের ভূমিকা” শীর্ষক এক সেমিনার উদ্বোধন করেন।

ইউএসএআইডি’র মাধ্যমে যুক্তরাষ্ট্র সরকার ঘূর্ণিঝড় সিডরে সবচেয়ে বেশি ক্ষতিগ্রস্ত পাঁচটি জেলার ১৫৯টি স্থানীয় সরকার কার্যালয়ে ২০ লাখ ডলার ব্যয়ে একটি প্রকল্পে অর্থায়ন করছে। বেসরকারি সংস্থা ‘রূপান্তর’ প্রকল্পটি বাস্তবায়ন করছে। “ইউনিয়ন পরিষদ শক্তিশালীকরণ ও নাগরিক সচেতনতা সৃষ্টির মাধ্যমে স্থানীয় পর্যায়ের শাসনব্যবস্থার উন্নয়ন” বা “আইএলএলজি” নামে এই প্রকল্প দুর্যোগ সম্পর্কিত বাজেট ও পরিকল্পনা তৈরিতে স্থানীয় সরকার কর্মকর্তাদের দক্ষতা বৃদ্ধি করবে। আইএলএলজি প্রকল্প সরকারি সম্পদ তদারকি ও প্রাকৃতিক দুর্যোগ পরবর্তী জনসেবা উন্নয়নে প্রদানের বিষয়টি নিশ্চিত করতে স্থানীয় সরকারের সক্ষমতা বৃদ্ধি করবে।

প্রকল্প এলাকার ১৫৫টি ইউনিয়ন পরিষদ ও চারটি পৌরসভায় বসবাসরত ১৫ লাখেরও বেশি মানুষ এই প্রকল্পের সুফল পাবে।

রাষ্ট্রদূত মরিয়ার্টি প্রাকৃতিক দুর্যোগের পর সহজ উপায়ে উদ্ধার ও পুনর্নির্মাণ প্রচেষ্টা নিশ্চিত করতে স্থানীয় সরকার বিকেন্দ্রীকরণের উপর গুরুত্বারোপ করেন। সেমিনারে অংশগ্রহণকারীরা প্রাকৃতিক দুর্যোগের সময় স্থানীয় সরকারের সাধারণ চ্যালেঞ্জসমূহ এবং কিভাবে বিকেন্দ্রীকরণ ও দক্ষভাবে সেবা প্রদানকে উৎসাহিত করতে স্থানীয় সরকারকে অধিকতর কর্তৃত্ব প্রদান করা যায় তার উপায় নিয়ে আলোচনা করেন। ইউএসএআইডি’র মাধ্যমে যুক্তরাষ্ট্র সরকার ঘূর্ণিঝড় সিডরে আক্রান্ত মানুষদের ঘরবাড়ি পুনর্নির্মাণে ও জীবিকা ফিরে পেতে সহায়তা করতে সাত কোটি ৫০ লাখ ডলার প্রদান করছে। সিডর পুনর্নির্মাণ কর্মসূচির আওতায় আইএলএলজি প্রকল্পে অর্থায়ন করা হয়েছে। সিডরে ক্ষতিগ্রস্তদের সহায়তা ছাড়াও যুক্তরাষ্ট্র সরকার জরুরি দুর্যোগ ত্রাণ সহায়তায় ৩৮ লাখ

ডলার সহায়তা প্রদান করছে, যার মধ্যে গত মে মাসে ঘূর্ণিঝড় আইলায় ক্ষতিগ্রস্তদের জন্য ২০ লাখ লিটার বিশুদ্ধ  
পানি অন্তর্ভুক্ত।

ইউএসএআইডি'র মাধ্যমে যুক্তরাষ্ট্র সরকার বাংলাদেশের জনগণ বিশেষত অতি-দরিদ্র মানুষের  
জীবনমান উন্নয়নে কাজ করে যাচ্ছে। ইউএসএআইডি বাংলাদেশে পাঁচটি বৃহৎ ক্ষেত্রে বিভিন্ন কর্মসূচিতে অর্থায়ন  
করে থাকে। ক্ষেত্রগুলো হচ্ছে স্বাস্থ্য ও প্রাক-প্রাথমিক শিক্ষার উন্নয়ন, গ্রামীণ দরিদ্র মানুষের আয়ের সুযোগ সৃষ্টি,  
সুশাসনে সহায়তা প্রদান, খাদ্য নিরাপত্তা বৃদ্ধি এবং দুর্যোগ প্রস্তুতি জোরদার ও প্রাকৃতিক দুর্যোগ পরবর্তী জরুরি  
সহায়তা প্রদান। ১৯৭১ সাল থেকে যুক্তরাষ্ট্র সরকার বাংলাদেশকে সহায়তা হিসেবে ৫০০ কোটি ডলারেরও বেশি  
প্রদান করেছে। ২০০৯ সাল নাগাদ ইউএসএআইডি'র সব যিলিয়ে প্রায় ১৭ কোটি ২০ লাখ ডলার সহায়তার  
পরিকল্পনা রয়েছে, যার মধ্যে আছে ঘূর্ণিঝড় সিডর ক্ষতিগ্রস্ত এলাকায় বসবাসরত মানুষের জন্য সুনির্দিষ্ট সহায়তা।

=====

জিআর/২০০৯

**দ্রষ্টব্য:** এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে  
আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮৩৭১৫০-৮, ফ্যাক্স: ৯৮৮৫৬৮৮; ই-মেইল:  
[DhakaPA@state.gov](mailto:DhakaPA@state.gov) এবং ওয়েবসাইট: [dhaka.usembassy.gov](http://dhaka.usembassy.gov) যোগাযোগ করুন।